

石渠閣精訂攝生秘剖卷三

新安洪基九有參訂

九龍丹

治腎水不足邪火搖動精濁遺失之證

拘杞子酒浸

金櫻子焙

山查肉炒

石蓮肉炒蓮花鬚焙

熟地黃搗膏

芡實粉炒

白茯苓

川當歸等分

右爲末煉蜜丸如梧桐子大每服三錢空心白滾湯送下

精濁腎液之病也所以精濁者心爲之也一動其心而天君搖搖則精濁走失矣所謂主不明則十二官危也其精濁與便濁不同便濁是便溺渾濁卽膏淋證也乃是胃中濕熱滲入膀胱與腎經

絕無相干精濁則牽絲粘膩雖不便溺亦漸漬而出耳治此者宜
滋腎清心健脾固脫是丸也枸杞熟地當歸味厚者也可以滋陰
滋陰則足以制陽光金櫻蓮鬚芡實味澁者也可以固脫固脫則
無遺失石蓮肉苦寒可以清心則淫火不熾白茯苓甘平可以益
土益土則制腎邪而山查肉者所以消陰分之障礙也

喉閉丸

治纏喉風喉閉先胸膈氣緊驀然咽喉腫痛手足厥冷氣不能
通頃刻不治

雄黃一錢

鬱金五錢

巴豆七粒一錢冰片少許

麝香少許

右爲末醋糊丸加麻子大茶清下五分如口噪喉塞用竹管納

藥入喉中須臾吐痰立解未吐再服

咽喉司乎吸主升降乃一身之緊關橐籥患則無問其標本而當急治焉者也經曰足少陰所生病者口渴舌乾咽腫上氣隘乾及痛素問曰邪容於足少陰之絡令人咽痛不可納食又曰足少陰之絡循喉嚨通舌本凡喉病皆少陰之證少陰之火達如奔馬逆衝於上到此咽喉之緊關則氣鬱結而不得舒故成乳鵝纏喉雙鵝單鵝等危證急治則生緩治則死是丸也雄黃能破結氣巴豆能下稠痰鬱金能散惡血冰麝能透關竅盡此四者閉其通矣丹溪翁生平不用劫藥然此丸者實不得已而用之共亦行權之妙乎

口糜散

治口瘡糜爛

薄荷葉六分

川黃柏

青黛水飛四分

白礪砂三分

朱砂水飛二分

冰片另研一分

右爲細末用小磁罐密封收貯每取少許着於瘡上良

口瘡木於濕熱濕熱不去必至疔蝕寒可以勝熱苦可以堅膚故用薄荷黃柏青黛白礪苦寒之品乃朱砂者令其解熱毒也冰片者令其散熱結也濕熱既蠲而口糜自愈矣

明目地黃丸卽東垣益陰腎氣丸

治腎虛目暗不明

熟地黃四兩

生地黃

乾山藥

山茱萸

當歸

五味子

牡丹皮

澤瀉

茯神

柴胡各一兩

右爲末煉蜜丸如梧桐子大空心淡鹽湯送下三錢

忌蘿蔔

精生氣氣生神故腎精一虛則陽光獨治陽光獨治則壯火食氣無以生神令人目暗不明王水之主以制陽光故用生熟地黃山萸五味當歸丹皮澤瀉味厚之屬以滋陰養腎滋陰則火自降養腎則精自生乃山藥者所以益脾而培萬物之母茯神者所以養神而生明照之精柴胡者所以升陽而致神明之氣於睛明之窠也孫思邈曰中年之後有目疾者宜補不宜瀉可謂開斯世之矇矣東垣此丸其近之

千金磁硃丸

治神水寬大漸散昏如霧露中行漸覩空中有黑花漸覩物成
二體久則光不收及內障神水淡綠色淡白色

磁石吸針者

辰砂透明者

神麴真正者

先以磁石置臣火中煨醋淬十餘次晒乾另研極細二兩辰砂
另研極細一兩生神麴末三兩與前藥和勻更以神麴末一兩
水和作餅煑浮爲度搜入前藥煉蜜爲丸如梧桐子大空心白
湯下一錢一云食後每服五分二三

以磁石辛鹹寒鎮墜腎經爲君令神水不外移也辰砂微甘寒鎮
墜心經爲臣肝其母此子能令母實也肝實則目明神麴辛溫甘

化脾胃中宿食爲佐生用能發其生氣熟用者斂其暴氣也服藥後俯視不見仰視漸覩星月者此其效也亦治心火乘金水衰反制之病久病累發者服之則水不更作空心服之午前更以石斛夜光丸主之原機啓微磁石滋水入腎硃砂法火入心加神麴專入脾胃乃道家黃婆媒合嬰見姤女之理加沉香升降水水尤佳證治進繩 磁硃丸主明目百歲可讀細字書常服大益眼目龍子論古人於腎虛及種子方中每用磁石近代泥於金石之說多不知用然磁石性能引鐵則用之者亦是假其引肺金之氣入腎使其子母相生爾水得金而日則相火不攻自去矣嗚呼醫之神妙在於幽微此言可與知者道也醫方考

石斛夜光九

治內障初起視覺微昏空中有黑花神水變淡綠色次則視物
成二神水變淡白色久則不覩神水變純白色反有眵淚眊膜
等證

天門冬去心

人參

茯苓各二兩

麥門冬去心

熟地黃

生地黃各一兩
兔絲子酒浸蒸
甘菊花去蒂

草決明炒

杏仁去皮尖

乾山藥

枸杞子

牛膝

酒浸各
七錢半

五味子

白蒺藜

炒去
刺

石斛

熬膏
尤妙

肉蓯蓉

川芎

甘草炙

枳殼麸炒

青箱子

防風

黃連

烏犀角

镑

羚羊角 鈔各五錢

右爲末煉蜜丸如梧桐子大每服三錢溫酒淡鹽湯或白滾湯送下

此丸美補藥也補上治下利以緩利以久不利以速也故君以天門冬人參兔絲子之通腎安神強陰填睛也臣以五味子麥門冬杏仁茯苓枸杞子牛膝生熟地黃之斂氣除濕涼血補血也佐以甘菊花蒺藜石斛肉蓯蓉川芎甘草枳殼山藥青箱子之治風療虛益氣祛毒也使以防風黃連草決明烏犀角羚羊角之散滯泄熱解結明目也陰弱不能配陽之病亦最宜服此從則順之治法也然必兼千金磁硃丸服之庶易效

原機啓微

千金補腎丸

治一切耳聾證

人參

黃芪炙

當歸酒洗

山茱萸淨肉

牡丹皮

白芍藥炒

桂心

遠志去心

巴戟天

兔絲子酒煮

細辛

肉蓯蓉

附子製

熟地黄

蛇床子

白茯苓

甘草炙

乾薑炮

澤瀉

石斛各二兩

石菖蒲

防風一兩五錢羊腎二枚重湯煮極爛搗爲泥

右爲末煉蜜丸如梧桐子大空心溫酒送下三錢

耳以司聽匪聽勿聰也君子有思聰之責者胡然而使衰如乎故

取于金腎氣丸以開斯世之聾聵按千金云勞聾氣聾風聾虛聾
毒聾久聾耳鳴者此方主之勞聾者勞火鼓其聽戶也氣聾者經
氣滯塞於聽戶也風聾者風熱閉其聽戶也虛聾者氣血虛耗而
神不用也毒聾者膿血障礙妨於聽戶也久聾者病非一日邪氣
痺聚也凡是聾者勢必耳鳴故總繫以耳鳴也味之甘者可以補
虛亦可以卻勞人參黃芪羊腎山萸地黃兔絲巴戟菴蓉澤瀉芍
藥當歸茯苓甘草均之味甘之品也能療虛聾勞聾味之辛者可
以驅風亦可以順氣細辛菖蒲遠志丹皮石斛均之味辛之品也
能療氣聾風聾性之毒者可以開結毒亦可以療久痺蛇床桂心
附子乾薑均之辛溫微毒之品也能療毒聾久聾如是聽戶開而

耳復其聰矣

腎娥丸

治腎虛腰痛

破故紙酒浸少時略炒

川草薺童便浸一宿

杜仲薑汁炒斷絲

牛膝去蘆

黃柏鹽水炒

知母酒拌炒各四兩胡桃肉去皮炮八兩

右爲末蜜丸如梧桐子大空心鹽酒下三錢

腎坎象也水火並焉水衰則陽先獨治而令腎熱火衰則陰翳襲之而令腎寒水火俱衰則七氣乘之而邪實於腎均之令人腰痛也是丸也故紙杜仲胡桃味厚而溫黃柏知母牛膝味厚而寒溫者可使養陽寒者可使養陰均之味厚則均之能走下部矣若草

蘚者苦燥之品足以利水土之邪而平其氣也曰青娥者涵陽之坎也假之以名斯丸明其全夫水火之真爾醫方考

化蟲丸

治一切蟲病大者卽下小者化爲水

鶴虱去土

胡粉炒

苦練根東引不出土者

檳榔各一兩

使君子

蕪荑各五錢

枯礬二錢五分

右爲末米糊丸如椒目大量人強弱用之

爲國者必欲去夫蠹國之小人爲醫者必欲去夫蠹身之蠹蝕此化蟲丸所繇製也經曰賜胃爲市故無物不包無物不容而所以化生諸蟲者猶腐草爲螢之意乃濕熱之所生也是蟲以濕熱爲

巢穴鶴虱等七味皆有殺蟲之能且去濕熱能直搗其巢穴矣古人率單用之今乃類聚爲丸其亦保安之策也虫類多種治各不同此方無所不宜蟲劑之總司也但服之得法無不神驗須初一至初十蟲頭向上宜先餓半日而使蟲飢次早五更用油煎肉一片嚼之蟲聞肉香頭皆向上隨以藥服之須臾或葱湯或白湯助藥力下行則虫盡下矣

痔漏丸

治一切內外痔漏及諸般頑漏

魚鱧四兩極明淨者

黃蠟四兩

明礬二兩研末

朱砂一兩研末

珍珠五錢研末

象牙五錢研末

先將魚鱧酒煮極爛杵如膏入蠟化盡離火入礬并硃砂牙末和勻丸如梧桐子大每服三十丸空心酒送下

察痔漏者瘍瘡之事也君子鄙談之然擇疾而療非仁人之用心也故訂痔漏丸以拯夫世之苦痔漏者按痔之爲病緣於七情內傷五賊外攘飢飽不節勞役異常兼之酒色厚味所致也生於肛門之外者名外痔生於肛門之內者名內痔初起卽當醫治庶免後患人反以小恙不足懼延捱日久變爲痔漏始乃愴忙求治或治又不如法往往糞從孔出血從竅流釀成莫救之禍惜哉惜哉予每目擊而心憫焉因遍訪名流得傳是方製以療人輒皆奇效是丸黃蠟明礬爲解毒生肌之聖藥加硃砂牙末其功更倍之矣

用魚鱔爲君者取其味厚滋補而有膠固不漏之義焉且無刀針掛線爛藥之險重軀命者亟宜服之

硃珀蠟礬丸

治癰疽發背惡瘡惡漏

黃蠟二兩

明礬三兩 硃砂三錢要透別者

琥珀三錢要真正者

先將蠟熔化離火少溫入極細礬後加珠珀末和勻丸如梧子大食前溫酒下三十丸

此丸不特定痛生肌而且消毒化膿及內癰排膿托裏之功甚大并一切惡瘡頑漏服之其毒卽解薛立齋先生云此爲外科之聖藥也服至四五兩之上愈見其功矣

薛氏醫案

小牛黃丸

治楊梅結毒惡瘡惡漏皆可治之大有神効

牛黃一錢

珍珠一錢

琥珀八分要真正者

硃砂一錢要透明者

雄黃一錢要透明者

滴乳石一錢真者煨

乳香一錢去油

沒藥一錢去油

母丁香一錢

沈香一錢

麝香三分

當歸尾二錢五分

白芷稍一錢五分

人參一錢

各製爲細末老米飯爲丸如粟米大每服一丸空心并晚各一服以淡淡土茯苓湯送下

此丸以牛黃硃砂雄黃解其毒以珍珠琥珀滴乳生其肌以乳香沒藥解毒生肌兼之止痛以麝香沉香丁香通竅更引諸藥入於